




AMELYOR OU ABILITE POUR  
**LIRE ANSENNYEN**



th-SC  
180625





# AMELYOR OU ABILITE POUR LIR E ANSENNYEN

—1 TIMOTE 4:13

NON

---

KONGREGASYON

---

**Nou pa vann sa liv. I ganny servi dan sa travay mondyal pour ansenny dimoun lo Labib e i ganny soutenir par kontribisyon volonter. Si ou ti a kontan fer en donasyon, al lo [www.jw.org](http://www.jw.org).**

Eksepté kan i endike, bann sitasyon Lekritir Grek in ganny tire dan *Labib—Matye-Revelasyon—Tradiksyon nouvo lemonn*. Bann referans dan Lekritir Ebre in ganny tire dan *Labib an Kreol Seselwa*. Kan *NWT* i swiv en sitasyon, sa i endike ki sa verse in ganny tradwir apartir *New World Translation of the Holy Scriptures an Angle*.

*Apply Yourself to Reading and Teaching*

Enprimen Zen 2018

Seychelles Creole (*th-SC*)

© 2018

Watch Tower Bible and Tract Society of Pennsylvania

Editer

Editer

Watchtower Bible and Tract Society of New York, Inc.

Wallkill, New York, U.S.A.

Made in Britain by Watch Tower Bible and Tract Society of Britain

(Registered in England as a Charity)

Enprimen Langleter

# KONTENI

## PWEN

- 1 En let sorti kot Konsej Direkter
- 2 En bon lentrodiksyon
- 3 Koz dan en fason natirel
- 4 Servi byen kestyon
- 5 Byen entrodwi bann verse Labib
- 6 Lir korekteman
- 7 Montre akoz ou pe servi en verse
- 8 Egzakt e konvenkan
- 9 Servi legzanp pour ansennyen
- 10 Servi portre ek video pour ansennyen
- 11 Varyasyon dan lavwa
- 12 Lantouzyazm
- 13 Koz avek santiman ek konpasyon
- 14 Montre ki mannyer i aplikab
- 15 Fer resorti bann pwen prensipal
- 16 Koz avek konviksyon
- 17 Ankourazan e pozitif
- 18 Fasil pour konpran
- 19 Ed lodyans aprann en keksoz itil
- 18 Zefor pour tous leker
- 20 En bon konklizyon

## En let sorti kot Konsey Direkter

Zot devret “vin bann ansenyan.” (Ebr. 5:12) Zis mazinèn! Zeova, sa pli bon Ansenyan dan liniver, pe envit *nou* pour ansenny lezot konsènan li! Nenport ki privez ki nou gannyan pour ansenny laverite lo Zeova i presye e i en gran responsabilite, ki swa dan fanmir, kongregasyon oubyen dan predikasyon. Ki manner nou kapab reisi fer sa?

Larepons i ganny trouve dan sa ki zapot Pol ti ekri Timote: “Kontinyen donn ou meyer ler ou lir an piblik, donn konsey e ansennyen.” Apre Pol ti azoute: “Si ou fer sa, ou pou sov ou prop lekor ek sa bann ki ekout ou.” (1 Tim. 4:13, 16) Ou pe anons en mesaz ki kapab sov lavi bann dimoun. Alor, i enportan ki ou fer zefor pour amelyor ou fason lir e ansennyen. Sa liv in ganny prepare pour ed ou fer sanmenm. Annou get serten laspe sa liv:



Verse Labib ki ganny site lo sak paz. Sa verse i kapab en prensip Labib ki relye avek sa pwen ki pe ganny egzaminen ouswa i en legzanp ki manner pour aplik sa pwen.



Bann lezot konsey ki relye avek sa pwen prensipal ki pe ganny diskite.

**DAN PREDIKASYON:** Bann sizesyon ki aplik pour predikasyon.

Lezot pwen dan sa liv i kapab ganny servi ler nou pe ansennyen dan predikasyon oubyen dan kongregasyon.

Zeova i sa Enn ki pe ansenny ou. (Iza. 30:20) Menm si sa liv pou ed ou amelyor ou abilite pour lir e ansennyen, pa zanmen bliye ki sa mesaz i sorti kot Zeova e se Zeova ki atir dimoun ver li. (Zan 6:44) Alor, toultan priye pour ganny lespri sen. Toultan servi Parol Bondye. Ler ou pe ansennyen, atir latansyon lo Zeova pa lo ou prop lekor. Fer en kantite zefor pour ed sa dimoun ki pe ekout ou devlop en gran lanmour pour Zeova.

Ou'n ganny envite pour vin en ansenyan ki anons sa mesaz pli enportan lo later. Nou konfidan ki anmezir ki ou depan “lo lafors ki Bondye i donner,” ou pou reisi.—1 Pyer 4:11.

Zot bann frer ki ini avek zot dan sa travay lansennyman,

*Konsey Direkter Temwen Zeova*

# 1

## En bon lentrodiksyon



Akt 17:22

**KI OU BEZWEN FER:** Ou lentrodiksyon i devret fer lodyans anvi ekoute. Dir zot lo ki size ou pe al koze e montre zot aköz zot devret enterese avek sa size.

### KI MANNYER POUR FER LI:

- **Fer dimoun anvi ekoute.** Swazir en kestryon, en fraz, en leksperyans oubyen en keksoz dan nouvel ki pou enteres ou lodyans.



Byen reflexir davans lo sa ki enteres oubyen trakas lodyans e adapte ou lentrodiksyon.

- **Dir dimoun lo ki size ou pe al koze.** Fer sir ki dimoun i konpran lo ki size ou pe al koze e ki bi ou prezantasyon.

- **Montre zot aköz sa size i enportan.** Adapte sa ki ou dir avek bann ki ekout ou. Zot devret byen konpran ki mannyer sa topik i kapab ed zot personnelman.



Ler ou pe prepar en diskour, demann ou lekor, 'Ki sityasyon mon bann frer ek ser dan kongregasyon pe fer fas avek?' Esey adapte ou lentrodiksyon dapre zot sityasyon.

**DAN PREDIKASYON:** Pour konnen kwa ki kapab enteres en dimoun, get en pe son lanvironnman oubyen sa ki i kontan fer. Konmans par demann li en kestryon oubyen fer en pti komantr dapre sa ki ou'n obzerve.

# Koz dan en fason natirel

## 2

**KI OU BEZWEN FER:** Koz dan en fason natirel e senser parey dan en konversasyon, sa pou montre ki mannyer ou santi anver sa size e anver ou lodyans.



2 Korentyen 2:17

### KI MANNYER POUR FER LI:

- **Priye e prepar byen.** Priye pour ki ou kapab konsantre, pa lo ou, me lo ou mesaz. Bann pwen prensipal ki ou pou koz lo la i devret byen kler dan ou lespri. Servi ou prop mo pour eksprim ou. Pa bezwen repet mo pour mo parey i aparet dan en liv.



Si ou bezwen lir Labib oubyen en lot liv, prepar byen pour ki ou kapab fasilman lir. Si ou pe lir sa ki lezot dimoun in dir, fer li avek santiman, me pa tro egzazere.

- **Koz avek senserite.** Mazinen akoz dimoun i bezwen ekout sa mesaz. Konsantre lo sa bann dimoun, koumsa zot pou vwar ki ou fason debout oubyen asize, ou bann zes ek lekspresyon lo figir i demontre lanmour e ki ou senser e amikal.



I annan en diferans ant koz dan en fason natirel e koz dan en fason ki tro familye ki kapab montre en mank respe pour lodyans. Koz dan en fason kler e koz byen ou langaz pour ki dimoun i annan respe pour sa mesaz.

- **Get ou lodyans.** Si i pa en mank respe dan ou pei, ou kapab get dimoun dan zot figir. Ler ou fer en diskour devan en lodyans, get en dimoun alafwa olye get tou dimoun an zeneral.

# 3

## Servi byen kestyon



Matye 16:13-16

**KI OU BEZWEN FER:** Demann kestyon ki pou fer lodyans anvi ekoute e pa perdi lentere. Demann kestyon pour rezonn avek ou lodyans e pour met lanfaz lo bann pwen enportan.

### KI MANNYER POUR FER LI:

- **Pour fer lodyans anvi ekoute e pa perdi lentere.** Demann kestyon ki pou fer en dimoun reflexir oubyen anvi konn larepons.
- **Pour rezonn lo en topik.** Ed ou lodyans pour konpran rezon par deryer en nide oubyen en konsej par demann diferan kestyon ki pou fer zot tonm lo en konklizyon ki lozik.
- **Pour met lanfaz lo bann pwen enportan.** Demann en kestyon enteresan pour entrodwi en nide enportan. Servi kestyon revizyon apre ki ou'n diskite lo en pwen enportan oubyen ler ou pe fini ou prezantasyon.



Apre ki ou'n lir en verse, servi kestyon pour met lanfaz lo sa pwen enportan dan sa verse.

**DAN PREDIKASYON:** Demann sa dimoun ki ou pe koz avek son lopinyon lo en size. Ekout byen son larepons. Servi bon zizman pour decide kan e konman pour demann kestyon.



# Byen entrodwi bann verse Labib

# 4

**KI OU BEZWEN FER:** Prepar lespri sa bann ki pe ekout ou avan ou lir en verse Labib.



Matye 22:41-45

## KI MANNYER POUR FER LI:

- **Mazinen akoz ou pe lir sa verse.**

Entrodwi sak verse dan en fason ki ou lodyans pou fasilman konpran sa pwen enportan ki ou pe fer resorti dan sa verse.



Pran an konsiderasyon konteks sa verse. Si ou entrodwi en verse e dir lekel ki pe dir sa parol oubyen lekel ki'n ekri sa liv, fer sir ki sa ki ou dir i egzakt.

- **Met lanfaz lo lefet ki Labib i Parol Bondye.** Ler ou pe koz avek dimoun ki krwar dan Bondye, entrodwi Labib konman "Parol Bondye." Ler ou fer sa, ou montre ki Labib i sa pli bon sours lasazes ki egziste.

- **Fer dimoun anvi lir sa verse Labib.**

Demann en kestyon ki sa verse Labib i kapab reponn, masyonn en problem ki en verse i kapab ede rezourd oubyen masyonn en prensip ki en resi Labib pou ede pli byen konpran.



Pran an konsiderasyon sa ki ou lodyans i deza konnen lo sa size e lo sa verse Labib. Entrodwi en verse ki zot deza konn byen dan en fason enteresan e ed ou lodyans pour vwar en nouvo pwen dan sa verse.

# 5

## Lir korekteman



1 Timote 4:13

**KI OU BEZWEN FER:** Lir egzakteman sa ki lo sa paz aotwa.

### KI MANNYER POUR FER LI:

- **Prepar byen.** Esey konpran akoz sa pasaz in ganny ekrire. Aprann lir bann group mo, olye zis lir bann mo tousel. Veye ki ou pa azout, sot oubyen sanz bann mo. Swiv tou ponktyasyon.



Demann en dimoun pour ekoute anmezir ki ou lir e dir ou kot ou'n fer fot.

- **Pronons sak mo korekteman.** Si ou pa konnen ki mannyer pour pronons en mo, get dan diksyonner, ekout en lanrezisteman oubyen demann en dimoun ki lir byen pour ed ou.

- **Koz klerman.** Artikil byen ler ou pe lir, lev ou latet anler e ouver byen ou labous. Fer zefor pour pronons byen sak silab dan en mo.



Pa bezwen met tro bokou lanfaz ler ou pe artikile akoz i pou fer ou lektir pa natirel.

# Montre akoz ou pe servi en verse

# 6

**KI OU BEZWEN FER:** Pa zis lir en verse Labib e apre al lo en lot pwen. Fer sir ki lodyans i konpran byen ki mannyer sa verse ki ou'n lir i relye avek sa pwen ki ou pe fer resorti.



Zan 10:33-36

## KI MANNYER POUR FER LI:

- **Met lanfaz lo bann mo enportan.**

Apre ki ou'n lir en verse Labib, met lanfaz lo bann mo ki relye direktman avek ou pwen prensipal. Ou kapab fer sa par repet sa bann mo enportan oubyen par demann en kestasyon ki pou fer lodyans idantifye sa bann mo.



Si ler ou pe eksplike, ou servi lezot mo ki pa dan sa verse, fer sir ki lodyans pou fasilman konpran ki mannyer sa bann mo ki dan sa verse Labib i relye avek ou pwen prensipal.

- **Met lanfaz lo sa pwen.** Si ou'n dir lodyans akoz ou pe al lir en verse, eksplike ki mannyer sa bann mo enportan dan sa verse i relye avek sa rezon akoz ou pe lir sa verse.



Anmezir ki ou eksplik sa verse, kit ou Labib ouver. Sa i ed lodyans pour vwar ki mannyer sa ki ou pe dir i relye avek sa ki ou fek lir.

- **Fer en laplikasyon senp.** Evite koz lo bann pti detay ki napa nanryen pour fer avek pwen prensipal. Depandan lo sa ki lodyans i deza konnen lo sa size, decide ki kantite lenformasyon ou pou servi pour fer laplikasyon sa verse pour ki lodyans i fasilman konpran sa pwen.

# 7

## Egzakt e konvenkan



Lik 1:3

**KI OU BEZWEN FER:** Servi bann lenformasyon ki egzakt e diny konfyans pour ed lodyans ariv lo sa bon konklizyon.

### KI MANNYER POUR FER LI:

- **Rod e servi bann referans oubyen lenformasyon ki egzakt.** Baz sa ki ou dir lo Parol Bondye e ler i posib, lir direkteman dan Labib. Si ou pe koz lo en keksoz syantifik, lo en nouvel, en leksperyans oubyen en lot levidans, verifie davans pour fer sir ki i azour e egzakt.
- **Servi byen ou lenformasyon.** Eksplik bann verse Labib dapre zot konteks e an armoni avek sa ki larestan Labib i dir ek bann piblikasyon “lesklav fidel e pridan.” (Mat. 24:45) Ler ou pe sit serten lenformasyon dan lezot piblikasyon, fer sir ki ou pa sanz son konteks oubyen dir en lot keksoz ki sa ekriven pa ti pe dir.
  - Fer sir ki ou pa egzazere ler ou pe servi bann statistik oubyen koz lo en sitasyon. Par egzanzp, fer atansyon ki “serten dimoun” pa vin “laplipar dimoun,” “parfwa” pa vin “toultan” e “sa ki ti’n kapab arive” pa vin “tre probab in arive.”
- **Servi ou lenformasyon pour rezonn avek ou lodyans.** Apre ki ou’n lir en verse Labib oubyen sit en referans, avek bon zizman demann kestyon oubyen donn en legzanp pour eksplik ou pwen e ed ou lodyans tir zot prop konklizyon.

**DAN PREDIKASYON:** Ler ou pe met ou pare pour prese, reflexir lo bann kestyon ki dimoun i kapab demann ou e fer resers pour vwar ki mannyer ou kapab reponn zot. Si en dimoun i demann ou en kestyon e ou pa konn larepons, dir li ki ou pou fer resers e retournen pli tar.

# Servi legzanp pour ansennyen




**KI OU BEZWEN FER:** Fer ou lansennyman pli tousan par servi bann legzanp senp ki enteresan pour lodyans e ki ansenny bann pwen enportan.



Matye 13:34, 35

## KI MANNYER POUR FER LI:

- **Servi bann legzanp senp.** Parey Zezi, servi bann senp pti keksoz pour eksplik bann keksoz konplike e bann keksoz fasil pour eksplik bann keksoz ki difisil pour konpran. Pa bezwen azout bann detay ki pa nesese akòz i pou zis fer ou legzanp tro konplike. Fer sir ki bann diferan laspe ou legzanp i al byen avek sa leson ki ou pe ansennyen pour ki ou lodyans pa konfize avek bann detay ki pa al byen avek sa ki ou pe dir.  
 Obzerve. Get otour ou, etidye nou bann piblikasyon e ekout bann ansenyan ki annan leksperyans. Ler ou fer sa, not bann legzanp ki ou kapab servi pour amelyor ou fason ansennyen. Anmas sa bann legzanp pour ou kapab reservi zot.
- **Mazin ou lodyans.** Servi bann legzanp lo bann keksoz ki ou lodyans i fer oubyen i enterese avek. Fer atansyon ki ou bann legzanp pa anbaras oubyen ofans zot.
- **Fer resorti pwen prensipal.** Donn bann legzanp ki relye avek pwen prensipal e non pa bann pti detay. Fer sir ki ou lodyans pa zis rapel ou legzanp, me osi sa pwen enportan.



# 9

## Servi portre ek video pour ansennyen



Zenez 15:5

**KI OU BEZWEN FER:** Servi portre, video ek lezot keksoz pour fer resorti bann pwen enportan dan en fason pli kler e fasil pour rapel.

### KI MANNYER POUR FER LI:

- **Servi portre oubyen lezot keksoz pour fer ou lansennyman pli tousan.** Rod portre, map, latab oubyen lezot keksoz pour pli byen fer resorti sa pwen *enportan*, pa bann pti detay. Ed ou lodyans pour rapel pa zis sa ki ou pe montre zot me sa pwen enportan.
- **Fer sir ki lodyans i kapab vwar byen sa portre oubyen sa ki ou pe montre.**



Avan ou fer en diskour, fer sir ki nenport ki portre ki ou pe mazin servi in fini pare.

**DAN PREDIKASYON:** Montre sa dimoun ki ou pe koz avek en portre dan en liv oubyen magazin e demann li pour fer komanter lo sa ki i vwar. Demann lezot kestyon si i neseseur pour met lanfaz lo nide prensipal. Ler ou pe zwe en video, vir lekran avek sa dimoun ki pe gete. Normalman i pli bon pour pa koze ler video pe zwe.

# Varyasyon dan lavwa

**KI OU BEZWEN FER:** Sanzman volim, ton ek vites lavwa i ede pour fer bann nide pli kler e tous leker bann ki pe ekout ou.



Matye 10:27

## KI MANNYER POUR FER LI:

- **Varye ou volim.** Koz pli for pour met lanfaz lo bann pwen prensipal e pour motiv ou lodyans. Fer parey ler ou pe lir en mesaz kondannasyon dan Labib. Ou kapab koz pli dousman pour ki ou lodyans i port plis latansyon pour konn sa ki ou pe al dir apre oubyen ler ou pe sey eksprim lafreyer oubyen lenkyetid.

Pa bezwen koz for tro souvan akoz ou lodyans pou ganny lenpresyon ki ou pe dispit avek zot. Ler ou pe koze, pa met tro bokou lanfaz oubyen tro egzazere akoz sa pour atir tro bokou latansyon lo ou.
- **Varye ou ton lavwa.** Si i aplikab dan ou langaz, ou kapab sanz ton lavwa pour eksprim diferan santiman. Par egzanp, pour montre ki en keksoz i vremen gro oubyen lwen. I osi posib pour servi en pli gro lavwa oubyen en pti lavwa (en ton ki pli o ouswa pli ba) pour montre lantouzyazm, sagrinasyon oubyen lenkyetid.
- **Varye ou vites.** Koz pli vit pour montre leksitasyon. Koz pli lant ler ou pe mansyonn bann pwen enportan.

Pour anpes ou lodyans sote, pa koz vit en sel kou. Pa koz tro vit akoz i pou afekte ou prononsyasyon.

# 11

## Lantouzyazm

---



Romen 12:11

**KI OU BEZWEN FER:** Fer en prezantasyon ki vivan e ki motiv lodyans par koz avek konviksyon.

### KI MANNYER POUR FER LI:

- **Apresye sa ki ou pe al koz lo la.** Ler ou pe met ou pare pour fer ou prezantasyon, reflexir lo lenportans ou mesaz. Konn byen ou lenformasyon pour ki ou kapab koz avek konviksyon.
- **Mazin ou lodyans.** Reflexir lo ki mannyer sa lenformasyon ki ou pou lir oubyen ansennyen pour benefisye lezot. Reflexir lo diferan fason ki ou kapab prezant sa lenformasyon pour ki ou lodyans i vreman apresye li.
- **Fer ou diskour vivan.** Koz avek konviksyon. Ou santiman i devret evidan lo ou figir e atraver bann zes natirel.



Fer atansyon pour pa fer menm kalite zes plizyer fwa akòz i kapab vin en manni. Fer bann zes ki fer sans. Demontre lantouzyazm sirtou ler ou pe koz lo bann pwèn enportan e ou anvi motiv ou lodyans pour azir. Si ou demontre tro bokou lantouzyazm tou dilon ou prezantasyon, sa pou fatig ou lodyans.

# Koz avek santiman ek konpasyon

# 12

**KI OU BEZWEN FER:** Koz avek senserite, montre ou lodyans ki ou kontan zot e anvi ed zot.



1 Tesalonisyen 2:7, 8

## KI MANNYER POUR FER LI:

- **Mazin ou lodyans.** Prepar ou leker par mazin bann problem ki ou lodyans pe fer fas avek. Esey mazin ki mannyer zot santi.
- **Swazir byen bann mo ki ou pou servi.** Esey ankouraz, rekonfort e redonn lafors ou lodyans. Esey pa dir bann keksoz ki kapab ofans zot, pa bezwen kritik bann ki pa Temwen oubyen mank respe pour bann lansennyman ki zot senserman krwar ladan.
- **Montre lentere dan ou lodyans.** Montre ou lodyans ki ou vreman enterese avek zot, koz avek en lavwa dous e fer bann zes apropiye. Vey byen lespresyon lo ou figir e fer en pti sourir tanzantan.



Ler ou pe eksprim ou santiman, pa fer li dan en fason forse oubyen egzazere. Ler ou pe lir, eksprim sa menm santiman ki dan sa pasaz me pa bezwen fer li dan en fason ki atir latansyon lo ou. Pa met tro bokou lanfaz lo serten let (konsonn) ki kapab donn lenpresyon ki ou koz brit e dir, esey koz dan en fason ki dous e kalm.

# 13

## Montre ki mannyer i aplikab



Proverb 3:21, NWT

**KI OU BEZWEN FER:** Ed ou lodyans vwar ki mannyer sa size i konsern zot e montre zot ki zot devret fer avek sa ki zot in aprann.

### KI MANNYER POUR FER LI:

- **Mazin ou lodyans.** Reflesir lo akoz ou lodyans i bezwen ekout sa lenformasyon ki ou pe donn zot e ki laspe dan sa size ki ou pe koz lo la ki pou vreman itil pour zot.

- **Tou dilon ou diskour, montre ou lodyans ki zot bezwen fer.** Depi o konmansman diskour, sak dimoun dan lodyans i devret santi ki sa lenformasyon i aplik pour li. Anmezir ki ou devlop sak pwen, montre ki mannyer i devret ganny aplike. Pa koz tro an zeneral me diskrit bann laspe spesifik.



Avek lanmour e dan en fason ki montre ki ou konpran ki mannyer lodyans i santi, montre zot ki mannyer pour aplik bann prensip Labib dan zot lavi. Olye fer lezot santi zot koupab, batir zot lafwa ek lanmour e annan konfyans ki zot pou ganny motive pour fer sa ki byen.

**DAN PREDIKASYON:** Ler ou pe met ou pare pour al prese, reflesir lo sa ki'n pase dan nouvel ek lezot size ki kapab enteres dimoun dan ou teritwar. Koz lo keksoz ki pe enteres dimoun konmela menm kot ou reste. Avek bon zizman, demann kestyon ki pou fer sa dimoun eksprim sa ki pe trakas li oubyen enteres li. Apre, ekout larepons atantivman e adapte ou prezantasyon.



# Fer resorti bann pwen prensipal

# 14

**KI OU BEZWEN FER:** Ed lodyans pour swiv lafason ki ou pe devlop ou diskour e montre klerman ki manner sak pwen prensipal i relye avek ou lobzektif ek ou tenm.



Ebre 8:1

## KI MANNYER POUR FER LI:

- **Ou bezwen annan en lobzektif.**

Reflesir lo bi ou diskour. Eski i pou donn lenformasyon, konvenk oubyen motiv ou lodyans? Apre, devlop ou diskour dapre sa bi. Fer sir ki tou bann pwen prensipal i ed ou atenn ou lobzektif.



Demann ou lekor: 'Eski mon lodyans pou annan serten kestyon oubyen eski i annan serten keksoz ki zot pou vwar difisil pour krwar oubyen aksepte?' Esey reflesir dan ki lord zot pou demann sa bann kestyon. Apre, prepar ou bann pwen dan sa menm lord lozik pour ki ou lodyans i kapab swiv, konpran e aksepte sa lenformasyon.

- **Met lanfaz lo tenm ou diskour.** Mansyonn ou tenm tou dilon diskour par repet bann mo enportan oubyen lezot mo ki annan menm sans.

- **Fer resorti bann pwen prensipal dan en fason senp e kler.**

Servi zis bann pwen prensipal ki relye avek ou tenm e ki ou annan ase letan pour byen devlope. Servi zis detrwa pwen prensipal, dir lodyans ki pwen ki ou pe al devlope, fer bann poz ant sak pwen prensipal e montre lodyans ki manner sak pwen i relye avek kanmarad.



Ou kapab dir lodyans ki bann pwen prensipal ki ou pe al koz lo la dan ou lentroduksyon pour ed lodyans swiv pli byen oubyen ou kapab repas lo la dan ou konklizyon pour ed lodyans rapel sa bann pwen.

# 15

## Koz avek konviksyon



1 Tesalonisyen 1:5

**KI OU BEZWEN FER:** Montre ki ou vreman krwar dan laverite e ki bann pwen ki ou pe koz lo la i vreman enportan.

### KI MANNYER POUR FER LI:

- **Prepar vreman byen.** Etidye ou lenformasyon byen ziska ler ou konpran sak pwen prensipal e ki mannyer Labib i montre ki sa pwen i vre. Esey eksplik sak pwen prensipal avek zis detrwa mo senp. Konsantre lo ki mannyer ou prezantasyon pou ed lodyans. Priye pour ou ganny lespri sen.
  - Fer ou diskour aotwa pour ki ou konn byen ou lenformasyon e ki ou amelyor lafason ki ou pou prezant sa diskour.
- **Servi bann mo ki montre ki ou konvenki.** Olye repet mo pour mo sa ki'n ganny ekrir dan en liv, servi ou prop mo. Servi bann mo ki montre ki ou vreman krwar sa ki ou pe dir.
- **Koz avek senserite ek lasirans.** Koz ase for. Si i pa en mank respe, get dimoun dan zot figir.
  - Koz avek konviksyon pa vedir koz dan en fason brit, ensiste oubyen fors lezot pour aksepte ou pwennvi. Menm ler ou pe koz avek konviksyon, fer li avek lanmour.

# Ankourazan e pozitif

**KI OU BEZWEN FER:** Konsantre lo solisyon pa lo problemn. Montre ou lodyans ki zot kapab fer li.



Zob 16:5

## KI MANNYER POUR FER LI:

- **Devlop en pwennvi pozitif lo ou lodyans.** Ou devret annan konfyans ki ou bann frer ek ser i anv i fer plezir Zeova. Menm si ou bezwen donn konsey, premyerman felisit senseman si i posib.



Koz avek lanmour, pa avek lakoler oubyen fristrasyon. Fer en zoli sourir pour ki bann ki ekout ou i vwar ki ou konpran zot e ki zot kapab annan konfyans dan ou.

- **Pa koz bokou lo bann keksoz negatif.** Koz lo bann keksoz negatif zis ler i pou ede pour met lanfaz lo en keksoz pozitif. An zeneral, ou prezantasyon i devret pozitif e ankourazan.
- **Servi byen Parol Bondye.** Montre zot sa ki Zeova in fer, pe fer oubyen pou fer pour limanite. Donn lespwar e ankouraz ou lodyans.

**DAN PREDIKASYON:** Mazinen ki sak dimoun i kapab vin en adorater Zeova.

# 17

## Fasil pour konpran



1 Korentyen 14:9

**KI OU BEZWEN FER:** Ed ou lodyans pour konpran byen ou mesaz.

### KI MANNYER POUR FER LI:

- **Etidye byen ou lenformasyon.** Konpran ou size byen pour ki ou kapab eksplik li dan en fason senp e dan ou prop mo.
- **Servi bann fraz kourt e senp.** Menm si ou kapab fer bann gran fraz, i pli bon si ou fer bann fraz kourt pour fer resorti bann pwen enportan.
  - Pa bezwen mansyonn bann detay ki pa nesese akòz i kapab tro konplike e konfiz lodyans. Koz dan en fason senp, esey pa servi bann mo ki difisil pour konpran.
- **Eksplik bann term ki dimoun pa tro abitye avek.** Pa tro servi bann term ki ou lodyans pa abitye avek. Si ou pe koz lo en keksoz ki dimoun pa tro fanmiye avek, parey en mo, en personnaz dan Labib, en mezir (distans, pwa) oubyen en koutim, donn en leksplikasyon.

# Ed lodyans aprann en keksoz itil

# 18

**KI OU BEZWEN FER:** Fer dimoun reflexir lo sa size koumsa zot pou santi ki zot in aprann en keksoz nouvo.



1 Korentyen 9:19-23

## KI MANNYER POUR FER LI:

- **Mazin sa ki lodyans i deza konnen.**

Olye zis repet sa ki zot in deza tande, ed zot pour vwar sa size dan en nouvo fason.



Pas lo bann pwen ki zot deza konnen vitman, me pran plis letan ler ou pe koz lo bann nouvo nide.

- **Fer resers e medite.** Ler i posib, enkli bann lenformasyon oubyen levennman ki zot pa tro familye avek pour eksplik bann nide enportan. Reflexir o profon lo lenformasyon ki ou bezwen prezante. Esey vwar ki mannyer sa lenformasyon i relye avek bann resers ki ou'n fer.



Anmezir ki ou prepar ou prezantasyon, reflexir lo la par demann ou lekor sa bann kestasyon 'kwa, akoz, kan, kote, lekel e ki mannyer.' Fer ou diskour vivan par demann e reponn serten sa bann kestasyon pandan ou prezantasyon.

- **Montre ki ou mesaz i itil.** Eksplike ki mannyer bann pwen ki baze lo Labib i kapab ed ou lodyans dan zot lavi tou le zour. Koz lo bann sityasyon, pwennvi ek konportman spesifik ki aplikab pour ou lodyans.



# 19

## Zefor pour tous leker



Proverb 3:1

**KI OU BEZWEN FER:** Ed lodyans pour konpran lenportans sa ki zot aprann e pour met li an pratik.

### KI MANNYER POUR FER LI:

- **Ed lodyans pour egzamin zot lekor.** Demann bann kestyon ki pou ed lodyans egzamin zot prop lekor ek zot santiman.
- **Donn zot bann bon rezon pour azir.** Ankouraz lodyans pour egzaminen aköz zot fer bann bon keksoz. Ed zot pour devlop sa pli bon motivasyon, setadir, lanmour pour Zeova, pour dimoun ek bann lansennyman ki dan Labib. Rezonn avek lodyans, olye reprimann zot. Olye fer zot kanmi, ankouraz zot pour ki zot santi zot motive pour fer zot mye.
- **Atir latansyon lo Zeova.** Met lanfaz lo ki mannyer bann prensip, lalwa ek lansennyman ki dan Labib i reflekte bann kalite Bondye e lanmour ki i annan pour nou. Ed lodyans pour anv prän an konsiderasyon santiman Zeova e pour fer li plezir.



Mazinen ki se Zeova ki atir dimoun. Servi son Parol pour motiv lodyans.

**DAN PREDIKASYON:** Ler i posib, servi kestyon pour konnen ki sa dimoun i vreman krwar. Obzerv lekspresyon lo son figir e son ton lavwa pour konnen ki mannyer i vreman santi. Me annan pasyans. Ou pou bezwen esper sa dimoun devlop konfyans dan ou avan i dir sa ki i vreman santi.

# En bon konklizyon

**KI OU BEZWEN FER:** Dan ou bann parol, ankouraz ou lodyans pour aksepte e aplik sa ki zot in aprann.



Eklezyast 12:13, 14

## KI MANNYER POUR FER LI:

- **Fer sir ki ou konklizyon i relye avek sa ki ou'n koz lo la.** Repas oubyen repet ou tenm ouswa bann pwen prensipal.
- **Motiv ou lodyans.** Montre ou lodyans sa ki zot devret fer e donn zot bann bon rezon pour fer li. Koz avek lasirans ek konviksyon.
- **Gard ou konklizyon senp e bref.** Pa bezwen entrodwi bann nouvo pwen prensipal. Dan zis detrw mo e pour en dernyen fwa, ankouraz ou lodyans pour azir.



Pa bezwen taye avek ou konklizyon. Pa perdi ou lantouzyazm e konmans koz dousman. Dir sa detrw dernyen parol dan en fason ki montre ki ou'n ariv a lafen ou diskour.

**DAN PREDIKASYON:** Ler ou pe ariv ver lafen ou diskisyon, repet sa pwen prensipal ki ou anv i rapel. Si en konversasyon i fini en sel kou, esey fer en pti konklizyon lo en keksoz pozitif. Menm si en dimoun i mal koz avek ou, reponn li dan en fason ki pou motiv li pour ekoute prosenn fwa.

